

stardo di questo Catholico re, se maridoe in una fiola di Lois Ricardat, fo governador in Brexa, spagnol.

Il conte Christofolo Frangipani, fo preson in questa terra, andato dal re Catholico, otene titolo di capitano di Raspo e dil Charso.

174^{b)}*Exemplum.**Sumario di letere scrite per Colegio dil mexe di Zener et Fevver 1519.*

A dì 3 Zener. Scrito a sier Jacomo Zen conte di Puola, essendo venuti de qui li noncii di la comunità di Ancona con letere di 24 Decembrio, che una carachia di domino Zuane Racani (*si dice*) esser cittadini de lì, carga di cori, ogii etc., essendo a la vela in mar sopra le Merlere, par sia stà presa e menata lì a Puola, fata la destribution per contrabando, il che fo poi per li Cataveri consuto non esser contrabando; pertanto debi subito mandar dito navilio de qui et restituissa le robe, soto la disgratia de la Signoria.

A dì 5. Scrito al podestà di Monzelese, sier Lunardo Soranzo, debi far serar la rota di le aque fata a la Rivela, aziò si possi navegar.

A dì 10. Scrito a Padoa a sier Jacomo Corer e compagni, provedadori sora l'estimo, debi sollicitar et meter fin al dito estimo etc.

A dì 13. Fato patente a sier Francesco Querini qu. sier . . . , va in Histria per legnami per l' Arsenal nostro.

A dì 13. Scrito a Verona a sier Francesco da cha' da Pexaro orator nostro, come domino Francesco Sigart todesco havia auto el resto di ducati 20 milia e fato la quietation.

A dì 14. Item, scritto a Milan al secretario Caroldo, di foraussiti dil stato di Milan, qual par habino recapito a Mantoa, *videlicet* questi qui soto anotadi:

Nicolò di Pusterla ditto Pusterliu.

Filippo da Seregno, milanese.

Jacomo Antonio da Pezo, milanese.

Batista Golfarame cremonese e altri.

A dì 16. Scrito a tratar a Roma, essendo venuti a la Signoria domino Marco Antonio Campolongo dotor et Hironimo di Zachì orator di quella comunità, a suplicar, li monasterii Conventuali è in Padoa, sia observato quello è stà fato in questa città

nostra di reformarli etc., però voy esser col cardinal Cornelio qual episcopo di Padoa e parlarli etc., voy operar col Papa siegui questo efecto.

Noto. Fo mandato 3 capi di stratioti in Cipro, *videlicet* Zuan Lamberch, Francesco Sornò et Provano Caiatola.

Noto. Sier Filippo da Molin qu. sier Hironimo è consolo nostro a Trani, et ivi sta.

Dil mexe di Fevver.

A dì 3 Fevver. Fo scritto a sier Anzolo Malpiero consolo nostro a Damasco, mandi de qui lire 100 canevi grezi et lire 20 di semenze di canevo, *dextro modo*, perchè volemo far prova si saranno boni per farli lavorar in la caja nostra de l' Arsenal.

Fo scritto a Udene per Hironimo Aleandro di 174^a la Mota, è contestabele a la Chiesa di Venzon.

Fo scritto a Brexa per roveri bon numero se ha esser in quelle parte.

A dì 5. Fo fato una patente, atento è stà brusà alcune carte dil monasterio di San Beneto di Mantoa, e morto uno frate chiamato fra' Bonaventura per alcuni scelesti mantoani, quali si ha è venuti sul territorio di la Signoria nostra, nome Antonio Provasio ditto el Gato e altri per numero 10, però cadaun li debbi far retenir.

A dì 10. Preso in Colegio, che il barzoto, qual non si ha potuto vender, li Patroni a l' Arsenal el possi far varar e venderlo cussi varado: 26, 1.

Fo scritto al Podestà e Capitano di Treviso fazi pagar li 41 capi di la villa di Mozana, se li dà ducati 2 al mexe di quella camera.

A dì 20. Scrito a Brexa per i roveri di Gambarà, qual par habino venduti a li frati di San Beneto non li debi lasar condur via.

Fo mandà in Histria a San Vicenti a tajar 500 . . . per l' Arsenal, che mai più è stà mandà a tajar de lì. Eran di madona Catarina Dandolo, qual è morta.

Dil mexe di Zener.

A dì 19. Scrito al Locotenente in la Patria di Friul, semo contenti el cavalier di la Volpe si pagi de li non ostante la parte etc.

A dì 21. Scrito al podestà e capitano di Mestre sier Secondo da cha' da Pexaro, havemo inteso ha fato tajar 70 roveri per la comunità; non pol, nè debi far.

(A Le carte 172*, 173 e 173* sono bianche.